



ИНВЕСТИЦИЯ ЛОЙИҲАЛАРИНИНГ БАЖАРИЛИШИ ТАНҚИДИЙ МУҲОКАМА ҚИЛИНДИ

Президент Шавкат Мирзиёев электротехника ва фармацевтика соҳаларида инвестиция лойиҳаларини жадаллаштириш, рақобатбардош маҳсулотлар ишлаб чиқариш масалалари юзасидан йиғилиш ўтказди.

Мазкур тармоқларда ишни замонавий асосда ташкил этиб, юқори қўшилган қий-матли маҳсулотлар турини кенгайтириш чоралари қўрилгани натижасида сўнгги уч йилда экспорт ҳажми 1,7 баравар ошди. Жорий йилда бу кўрсаткич 350 миллион долларга етиши кутилмоқда.

Лекин ҳали камчиликлар кўплиги, электротехника ва фармацевтика иқтисодиётда "ривожланиш нуқталари" бўлиши кераклиги таъкидланди.

— Ўтган 10 ойда иккита соҳа бўйича 2 миллиард доллардан кўп импорт бўлган. Мана шу рақамнинг ўзи нима қилишимиз кераклигини кўрсатиб турибди, — деди Шавкат Мирзиёев.

Жорий йилда электротехника sanoati тармоғида 55 та лойиҳа режалаштирилган эди. Шундан 26 таси йўлга қўйилган, 29 тасининг ижроси кечикмоқда.

Давлатимиз раҳбари бундай қолоқликнинг сабабларини сўраб, уларни ҳал этиш бўйича топшириқлар берди.

Электротехника тармоғининг драйвер йўналишларини аниқлаб олиш кераклиги қайд этилди.

Бугунги кунда ишлаб чиқариш мураккаб бўлмаган ва хориждан олиб келишдаги транспорт харажатлари юқори маҳсулотлар импортти 500 миллион доллардан ортади.

"Ўзэлтханаоат" уюшмасига йил якунига қадар шундай маҳсулотлар рўйхатини шакллантириб, Тошкент шаҳри ва Хоразмдаги sanoat зоналарида ишлаб чиқариш бўйича кўрсатма берилди.

Мазкур тармоқдаги экспортни шу йил якуни билан 310 миллион долларга, келгуси йил 370 миллион долларга етказиш

вазифаси қўйилди. Бунда дунёга машҳур онлайн савдо тармоқларидан ҳам фойдаланиш, халқаро тендерларда қатнашиш яхши самара бериши айтилди. 2021 йилда халқаро стандартларни жорий этиш учун лаборатория ва сертификатлаш марказини ташкил этиш топшириғи берилди.

Йиғилишда фармацевтика тармоғидаги лойиҳалар ижроси ҳам муҳокама этилди. Жорий йилга режалаштирилган 100 миллион долларлик 37 та инвестиция лойиҳасидан бугунги кунгача фақат биттаси фойдаланишга топширилгани кескин танқид қилинди.

Келгуси йилда 149 миллион долларлик 37 та лойиҳа бўйича амалий ишларни ҳозирдан бошлаш зарурлиги кўрсатиб ўтилди.

Соҳадаги яна бир камчилик — охириги йилларда ташкил этилган 16 та йирик корхонанинг 8 таси тўлиқ қувватда ишламаяпти. Мутасаддиларга уларни бирма-бир таҳлил қилиб, тўлиқ қувватга чиқишига кўмаклашиш топширилди.

Маҳаллий корхоналарда 3 мингдан орттиқ номдаги дори-дармон ишлаб чиқарилса-да, улар асосан мураккаб бўлмаган жер-нерик воситалардан иборат.

— Пандемия ҳаммамизнинг кўзимизни очди, фармацевтика нафақат иқтисодий, балки хавфсизлик жиҳатидан ҳам стратегик тармоқ эканини кўрсатди. Биринчи бўлиб фармзоналар ташкил этганимиз бежиз эмас. Биз жуда кўп нарсага дунёқарашимизни ўзгартиришимиз керак, — деди Президент.

Шу боис, хавфсизлик ва самардорлик даражаси юқори бўлган дори воситаларини ишлаб чиқаришга ўтиш кераклиги таъкидланди.

Мисол учун, келгуси йилда Наманганда парентерал, Самарқандда гормонал ва Тошкент вилоятида қон препаратларини ишлаб чиқаришга имконият мавжуд.

Доривор ўсимликларни плантация усулида етиштириш ва sanoatда қайта ишлашни йўлга қўйиш натижасида экспорт ҳажми жорий йилнинг ўтган 10 ойида 40 миллион долларни ташкил этди. Худудларда доривор ўсимликларни қайта ишлаш бўйича қиймати 42 миллион доллар бўлган 14 та кластер ташкил этилди.

Жорий йилда доривор ўсимликлар плантациялари 16 минг гектарга, хомашё тайёрлаш ҳажми 22 минг тоннага етказилмоқда. Лекин бу етарли эмас.

Шу боис, келгуси йилда маҳсулот етиштириш, қайта ишлаш ва экспорт ҳажмининг камида 2 бараварга ошириш мақсад қилиб қўйилди.

Қандли диабет касаллигида шакар ўрнини босувчи стевия ўсимлигини етиштириш, баҳмалгул, наъматак, топинамбур, ола-ўт, заъфарон каби экспорттўб дориворларни sanoatлаштириш бўйича кўрсатмалар берилди.

207 та корхонадан 157 тасида халқаро стандартлар жорий қилинмагани қайд этилиб, бу борадаги ишларни кенгайтириш муҳимлиги таъкидланди. Келгуси йилда фармацевтика маҳсулотлари экспортини 55 миллион долларга олиб чиқиш вазифаси белгиланди.

Йиғилишда муҳокама қилинган масалалар юзасидан тармоқ ва худудлар раҳбарлари ахборот берди.

ЎЗА

Ўзбекистон Республикаси Президентининг ФАРМОНИ

ЎЗБЕКИСТОН РЕСПУБЛИКАСИ ҚУРИЛИШ ТАРМОҒИНИ МОДЕРНИЗАЦИЯ ҚИЛИШ, ЖАДАЛ ВА ИННОВАЦИОН РИВОЖЛАНТИРИШНИНГ 2021–2025 ЙИЛЛАРГА МЎЛЖАЛЛАНГАН СТРАТЕГИЯСИНИ ТАСДИҚЛАШ ТЎҒРИСИДА

Қурилиш тармоғини янада такомиллаштириш, архитектура ҳамда қурилиш органлари ва муассасаларини изчил ривожлантириш механизмларини шакллантириш, давлат бошқаруви тизимининг самарадорлигини таъминлаш, соҳага рақамли технологияларни илғор жорий этиш мақсадида:

1. Қуйидагилар Ўзбекистон Республикаси қурилиш тармоғини модернизация қилиш, жадал ва инновацион ривожлантиришнинг асосий йўналишлари этиб белгилансин:

худудларни шаҳарсозлик жиҳатидан ривожлантириш ва ушбу жараёнда жамоатчиликнинг самарали иштирокини таъминлаш;
шаҳарсозлик фаолиятининг сифати ва хавфсизлигини ошириш;

шаҳарсозлик фаолияти соҳасидаги маъмурий тартиб-таомилланинг самарадорлиги, рақобатбардош ва шаффофлигини таъминлаш, шунингдек, қурилиш тармоғи ташкилотлари фаолиятининг самарадорлигини ошириш;
шаҳарсозлик фаолиятини рақамлаштириш, тармоққа замонавий ахборот-коммуникация технологияларини жорий этиш;

шаҳарсозлик фаолияти соҳасида кадрларни тайёрлаш, қайта тайёрлаш ва уларнинг малакасини ошириш тизимини такомиллаштириш, илмий салоҳиятни ривожлантириш.

2. Қуйидагилар:
Ўзбекистон Республикаси қурилиш тармоғини модернизация қилиш, жадал ва инновацион ривожлантиришнинг 2021–2025 йилларга мўлжалланган стратегияси (кейинги ўринларда — Стратегия) 1-иловага мувофиқ;

Ўзбекистон Республикаси қурилиш тармоғини модернизация қилиш, жадал ва инновацион ривожлантириш стратегиясини 2021–2025 йилларда амалга ошириш бўйича "Йул харитаси" 2-иловага мувофиқ тасдиқлансин.

3. Қуйидагиларни назарда тутувчи Ўзбекистон Республикаси қурилиш тармоғини модернизация қилиш, жадал ва инновацион ривожлантиришнинг 2021–2025 йилларга мўлжалланган стратегиясини амалга ошириш бўйича мақсадли кўрсаткичлар 3-иловага мувофиқ белгилансин:

2025 йил охирига бориб "Бизнес юритиш" халқаро индексида (Doing Business Index) "қурилиш-рухсатномалар олиш" (Dealing with Construction Permits) йўналиши бўйича Ўзбекистон Республикасининг позициясини жорий 61,7 баллдан 78,2 баллгача яхшилаш;

Ўзбекистон Республикасининг геологик, табиий-иқлим, сейсмологик ва бошқа хусусиятларини инобатга олган ҳолда 2025 йилга бориб миллий шаҳарсозлик нормалари ва қоидаларини камида 50 фоиз даражасида халқаро норматив ва стандартлар билан уйғунлаштиришга эришиш;

2025 йилга бориб шаҳарларнинг барчасини ва шаҳар посёлкаларининг 25 фоизини бош режалар билан қамраб олишга эришиш;

2025 йилга бориб "Шаффоф қурилиш" миллий ахборот тизими доирасида қўшимча тўртта электрон платформа яратилишини, шунингдек, уларнинг идораларо ахборот тизимлари ва маълумотлар базалари билан интеграция қилинишини таъминлаш;

Давоми 2-бетда

Интервью

ИНВЕСТИЦИЯ ЛОЙИҲАЛАРИ — ИҚТИСОДИЙ РИВОЖЛАНИШ ВА ФАРОВОНЛИК ОМИЛИ

Электротехника ва фармацевтика sanoati мамлакатимиз иқтисодиётининг муҳим тармоқлари саналади. Ҳозирги кунда бу тармоқларни модернизациялаш, соҳага инвестицияларни фаол жалб этиш, ишлаб чиқарилаётган маҳсулот турини кўпайтириш, сифатини ошириш борасида муҳим лойиҳалар амалга оширилмоқда. Натижада мазкур тармоқларда сўнгги уч йилда экспорт ҳажми 1,7 баравар ошди. Жорий йилда бу кўрсаткич 350 миллион долларга етиши кутилмоқда.

Шу билан бирга, бу соҳалар ривожига тўсиқ бўлаётган муаммолар, камчиликлар ҳам талайгина. Хусусан, режалаштирилган чора-тадбирларнинг ижросини ўз вақтида таъминлаш, инвестиция лойиҳаларини белгиланган муддатларда амалга ошириш, электротехника ва фармацевтика тармоғини иқтисодиётнинг "ривожланиш нуқталари"га айлантириш бугунги куннинг муҳим талабидир.

Президентимиз раислигида бўлиб ўтган электротехника ва фармацевтика соҳаларида инвестиция лойиҳаларини жадаллаштириш, рақобатбардош маҳсулотлар ишлаб чиқариш масалалари юзасидан ўтказилган йиғилишда мазкур тармоқларда амалга оширилаётган ишлар таҳлил этилиб, соҳаларни ривожлантириш борасидаги устувор йўналишлар белгилан берилди.

Давоми 2-бетда

Обод манзиллар

ҲЕЧ КИМ ЭЪТИБОРДАН ЧЕТДА ҚОЛМАЙДИ

Сардоба фожиясидан зарар кўрган аҳолига янги уйларнинг калити топширилмоқда



Музаффар АБДУЛЛАЕВ олган сурат.

Жорий йил 1 май куни Сирдарё вилоятининг Сардоба сув омборида юз берган техноген ҳодиса оқибатида Сардоба, Мирзаобод ва Оқолтин туманларида 4 минг 710 та хонадон зарар кўрди. Қисқа муддатда тошқиндан зарар кўрган 1 минг 850 та уй қайта таъмирланиб, замонавий кўринишда ўз эгаларига топширилди. Уй яроқсиз ҳолга келган фуқаролар учун жами 52,5 гектар ер майдони танланиб, кўп қаватли 2 минг 640 хонадонли — жами 86 та замонавий турар жой қуриб битказилди. Бугун мазкур уйлар калитини қўлга олган одамлар кўзиде қувонч, эртанги кунга ишонч ва гурурни кўриб, чекилган заҳматлар бесамар кетмаганига амин бўласиз.

Давоми 3-бетда

Ўзбекистон Республикаси Президенти Шавкат Мирзиёев 25 ноябрь куни нефть-газ кимё sanoatидеги истиқболли лойиҳалар ҳолатига оид тақдимот билан танишди.

✓ Табиий газни чуқур қайта ишлаш бўйича қарийб **9 миллиард долларлик 52 та лойиҳа белгиланган.** Шундан **15 таси** ноорганик кимё, **23 таси** органик кимё, **12 таси** полимерлар бўйича. Яна бир лойиҳага кўра, янги турдаги полимер маҳсулотлар бўйича илмий тадқиқот ва тажрибалар ўтказиб, лойиҳаларни бевосита ишлаб чиқаришга жорий этадиган ҳамда етук мутахассислар тайёрлайдиган инновацион марка ташкил қилинади.




✓ Тақдим этилган барча лойиҳалар самарасида **4,1 миллиард доллар қийматидаги маҳсулотлар ишлаб чиқарилиб, 1,1 миллиард долларлик импорт ўрни тўлдирилиши ва 1,45 миллиард долларлик экспорт таъминланиши мумкин.** Жами **6 минг 500 га** яқин иш ўрни яратилиши режалаштирилган.

✓ Хомашё базасини мустақамлаш, ишлаб чиқариладиган маҳсулотлар таннархини тушириб, ички ва ташқи бозорда рақобатдорлигини ошириш бўйича топшириқлар берилди.



✓ Газ-кимё соҳасини **2021 йилда ривожлантиришнинг янги йўналишларини белгилаш, лойиҳаларни амалга оширишни тезлаштириш бўйича аниқ топшириқлар берилди.**



✓ Тармоқ корхоналарининг молиявий барқарорлигини ошириш мақсадида энергетика соҳасини рақамлаштириш ишларини тезлаштириш вазифаси қўйилди.

✓ Кўпikli полипропилен, ёғоч-полимерли композит лист, водород пероксида, карбоксиметилцеллюлоза асосида реагентлар, карбонат формальдегид концентрати, сульфат кислота, карбонат ангидрид газидан сода ишлаб чиқариш каби истиқболли лойиҳалар келаси йили ишга туширилади. Поливинилхлорид, каустик сода ва метанол заводининг иккинчи босқичи ҳамда компрессорни ювувчи sanoat мойи корхонаси бўйича ишлар бошланади.

Табиат ва инсон

БАРҚАРОР РИВОЖЛАНИШ КАФОЛАТИ

Баҳром ЭСОНОВ,
Экология ва атроф-муҳитни муҳофаза қилиш давлат кўмитаси бош мутахассиси

Бугунги кунда экология ва атроф-муҳитни муҳофаза қилиш энг долзарб, ҳаммани ташвишлантираётган муаммолардан биридир. Ўтган асрнинг охирига келиб, инсон билан табиат ўртасидаги муносабатлар мувозанатининг бузилиши натижасида атроф-муҳит, экологик вазият кескин ўзгаришларга юз тутди.

1866 йилда “экология” атамасини фанда илк бор қўллаган немис олими Эрнест Геккель унга “экология — бу табиат иқтисодиётини билиш, бир вақтнинг ўзига тирик организмларнинг муҳитнинг органик ва ноорганик компонентлари билан бўлган барча муносабатларини тадқиқ қилишдир”, деб таъриф берган эди.

Даставвал, биология фанининг бир қисми сифатида вуқудга келган экология саноат, шаҳарлар, табиий ресурслардан фойдаланиш қўламининг кенгайиши натижасида кўпроқ иқтисодийлашди ва инсон экологиясига айланб бормоқда. Олдинги даврларда табиий шароит ва ресурслардан иқтисодиётда қандай фойдаланиш масалаларига асосий эътибор қаратилган бўлса, ҳозирги даврда ишлаб чиқариш тармоқларининг атроф-муҳитга таъсирини баҳолаш, таҳлил қилиш ва шу асосда келиб чиқиши мумкин бўлган муаммоларни аниқлаш ва бартараф этиш чораларини ишлаб чиқишга муҳим вазифалардан бири сифатида қаралмоқда.

Ҳозир Ер юзиде глобал, минтақавий ва маҳаллий экологик муаммолар вуқудга келган. Жумладан, глобал иқлим ўзгариши, чулланши, Орол денгизи муаммоси ва бошқаларни санаб ўтиш мумкин. Мавжуд экологик муаммолар ечимини топиш, бартараф этиш йўлларини ишлаб чиқиш учун илмий тадқиқотлар қилиш ҳамда экологик тенденцияларни кузатиб бориш ва шу асосда ҳулосалар чиқариш талаб этилади. Экологик хавфсизлик ва атроф-муҳитни муҳофаза қилиш муаммоси алоҳида эътиборга молик вазифа бўлиб, ҳозирги вақтда мамлакатимиз табиий бойликларини сақлаб қолиш ва уларни келажак авлодга етказиш муҳим масалалардан бирига айланган. Табиат қонуниятларини бузиш ўнглаб бўлмас экологик фалокатта олиб келиши муқаррардир. Мисол

тариқасида Собиқ Иттифоқ давридаги ишлаб чиқариш қувватларини ривожлантириш, энг аввало, тайёр маҳсулот эмас, балки қишлоқ хўжалиги хомашесини кўпайтиришни кўзлаган тадбирлар охир-оқибатда Орол денгизи ва Оролбуйи экологик инқирозига олиб келди.

Президентимиз БМТ Бош Ассамблеясининг 75-сессиясидаги нутқда бевосита глобал иқлим ўзгариши ва Орол муаммосига тўхталиб, бундай ўзгаришлар Марказий Осиё тараққиётига ҳам катта хавф туғдираётганини, Ўзбекистон мавжуд аҳволни яхшилаш учун бу ерда икки миллион гектар янги ўсимлик майдонлари ва дарактзорлар яратиш, тупроқ қатламини шакллантириш бўйича улкан ишларни амалга ошираётганини эътироф этди. Бу борадаги бир қатор ўта муҳим ва долзарб бўлган тақлифларни илгари сурди.

“Мамлакатимиз ташаббуси билан Оролбуйи минтақаси учун БМТнинг инсон хавфсизлиги бўйича кўп томонлама шериклик траст фонди тузилди. Умид қиламизки, ушбу фонд оғир экологик ҳудудда яшаётган аҳолига амалий ёрдам кўрсатиш учун халқаро ҳамжамиятнинг таянч платформаси бўлиб хизмат қилади. Биз Оролбуйи минтақасини экологик инновация ва технологиялар ҳудуди, деб эълон қилиш ҳақида БМТ Бош Ассамблеясининг махсус резолюциясини қабул қилишни тақлиф қиламиз. Ушбу муҳим ҳужжат тасдиқланган санани эса Халқаро экологик тизимларни ҳимоя қилиш ва тиклаш кўни сифатида нишонлаш мақсадга мувофиқ бўларди”, деди давлатимиз раҳбари.

Шулардан келиб чиққан ҳолда, Оролбуйидаги экологик муаммолар нақадар жиддий эканини кўришимиз мумкин ва бу муаммоларни халқаро ҳамжамият



билан биргаликда ҳал этиш чоралари ишлаб чиқилапти.


2030 йилгача бўлган даврда Ўзбекистон Республикасининг атроф-муҳитни муҳофаза қилиш концепциясига мувофиқ, Орол денгизининг қуриган тубида ўрмонзорлар майдонини жами ҳудудига нисбатан 60 фоизгача етказиш, Нукус, Урганч ва Хива шаҳарлари атрофида “яшил белбоғ” ташкил этиш мақсадида тузга чидамли, тез ўсар саксовул, черкез ва қандим ўсимликлари екилмоқда.

Давлатимиз раҳбарининг 2020 йил 11 ноябрдаги “2020-2023 йилларда Қорақалпоғистон Республикасини комплекс иқтисодий-иқтисодий ривожлантириш чора-тадбирлари тўғрисида”ги қарориде ҳудудни ривожлантириш аҳоли турмуш шароитини яхшилаш ва даромадларини оширишнинг уч йилга мўлжалланган устувор йўналишлари белгилаб берилди. Ҳужжатга кўра, Қорақалпоғистонда бу борадаги ишлар янгича ташкил этилади ва назорат тизими ўрнатилади.

Табиат компонентлари ва ҳодисаларнинг ўзаро алоқаси ҳамда боғлиқли-

ги турли кўринишларда содир бўлади. Буни ўсимлик билан ҳайвонот дунёси, заминнинг устки қатлами, ёғин миқдори-

бири. Дунё мамлақати иқлим ўзгаришига қарши биргаликда курашиши муҳим. Бу борада 2015 йил 12 декабрда



1866 йилда “экология” атамасини фанда илк бор қўллаган немис олими Эрнест Геккель унга “экология — бу табиат иқтисодиётини билиш, бир вақтнинг ўзига тирик организмларнинг муҳитнинг органик ва ноорганик компонентлари билан бўлган барча муносабатларини тадқиқ қилишдир”, деб таъриф берган эди.

нинг кўпайиб ёки камайиб бориши билан ўсимликлар тури ҳам миқдор жиҳатдан ўзгариб боришида кузатишимиз мумкин. Бу ўзгаришлар кўп жиҳатдан инсон фаолиятининг фаоллашуви билан боғлиқ.

Бугунги кунда глобал иқлим ўзгариши энг долзарб экологик муаммолардан

Парижда БМТнинг иқлим ўзгаришлари бўйича доиравий конвенциясига бағишланган конференциянинг 21-сессиясида Париж битими қабул қилинди ва 2016 йил 4 ноябрда кучга кирди.

Ҳозирги вақтда Париж битимини имзолаган 195 мамлакатнинг 180 таси мазкур

ҳужжат иштирокчиси ҳисобланади. Битимни ратификация қилмаган мамлакатлар кузатувчи мақомига эга бўлиб, улар учун халқаро ташкилотлар томонидан иқлим билан боғлиқ лойиҳаларни молиялаштиришда чекланишлар қўлланилади. Битимнинг мақсади — сайёрамизда глобал иқлим ўзгаришининг, яъни исинишнинг олдини олиш. Ўзбекистон 2017 йил 19 апрелда БМТнинг Нью-Йоркдаги бош қароргоҳида Париж битимини имзолаган ва 2018 йил 2 октябрда ратификация қилган.

Иқтисодиёт ривожланиши кўп ҳолларда табиий ресурсларга боғлиқ. Турли ресурсларнинг мавжудлиги халқ хўжалиги тармоқларини муттасил ривожлантириб боришга имкон беради. Бу борада экологик табиий ресурсларнинг ҳам ўз ўрни бор. Дунё бўйича ялпи ички маҳсулотнинг 35 фоиздан ортигини экологик соҳа ресурслари етказиб беради ва аҳоли сонини ортиб бориши билан бу рақам янада катталашади.

Хусусан, Ер шарида кислороднинг асосий манбаи ҳисобланган ўрмонлар майдони йил сайин (125 минг квадрат километрге) қисқармоқда. XXI асрнинг бошига келиб, сайёрамизда яшил бойлиги — ўрмонларнинг 50 фоиздан ортиги кесиб бўлинди. Бу, албатта, экологик муаммоларнинг кескинлашувига олиб келади.

Табиат ва жамият бир бутундир. Улар ўртасидаги ўзаро муносабатларнинг кескинлашуви экологик муаммоларни келтириб чиқаради. Мамлакатимизда экология ва атроф-муҳитни муҳофаза қилиш масаласига давлат сиёсати даржасида қаралади. Соҳага оид кўплаб қўнун, қарорлар ва концепция ишлаб чиқилган ҳамда давлат дастури қабул қилинган. Уларнинг амалга оширилиши экологик вазиятни ва аҳоли турмуш тарзини яхшилашга хизмат қилапти. Хусусан, Қорақалпоғистонда янги сув тармоқлари қурилиши натижасида аҳолини марказлашган ичимлик сув билан таъминлаш даражаси 40 фоиздан 67 фоизга етди.

Иқтисодий, иқтисодий ва экологик ривожланиш барқарор тараққиётни таъминлаб берадиган учта асосий йўналишидир. Барқарор тараққиётга эришиш иқтисодиётда қатор вазифаларни ҳал этишни талаб этади. Экология соҳасидаги чора-тадбирларнинг амалга оширилиши барқарор ривожланиш кафолатидир.

Медиа-тур

ЗАРАРЛАНГАН ЎСИМЛИКЛАР

Ўзбекистон ҳудудига киритилмайди

Ирода ТОШМАТОВА,
“Янги Ўзбекистон” мухбири

Тошкент халқаро аэропортининг хориждан учиб келганларни текшириш йўлаги. Багажларни сканерлаш жараёнида йўловчилардан бирининг юкида ўсимликлар карантинига доир объектлар аниқланиб, текширув учун махсус хонага олиб кирилди.

Жараёнда Беларуснинг Минск шаҳридан учиб келган йўловчининг юки ичидаги 22 килограмм оғирликдаги майдаланмаган мурч учун фитосанитар сертификати йўқлиги маълум бўлди. Инспекторлар томонидан тегишли далолатнома тузилиб, юк олиб кўйилди.

Ўсимликлар карантини давлат инспекциясининг аэропортининг кириш ва чиқиш қисмларида ташкил этилган “Тошкент-аэропорт” ўсимликлар карантини чегара масканлари ҳамда “Аэро-карго” текширув постида фаолият юритаётган инспекторлари ҳар кун йўналб ана шундай ҳолатга дуч келади. Чегара постларига бириктирилган 31 нафар инспектор томонидан республикамиз ҳудудига хорижий давлатлардан ўсимликлар билан бирга, хавфли зараркундалар, бетона ўтлар, уларда учрайдиган турли касалликлар кириб келишининг олдини олиш бўйича мунтазам назорат ўрнатилган. Журналистлар

мазкур ўсимликлар карантини бўйича чегара постларида ташкил этилган медиа-тур давомида текширув жараёнига бевосита гувоҳ бўлди. Бу ерда ҳар бир жараён белгиланган тартиб асосида амалга оширилади. Аэропортининг кириш ёки чиқиш залларига кирган фуқаронинг юки, албатта, инспекторлар назоратида махсус рентген аппаратлари текширувидан ўтади. Сумкаларда уруғлик, ўсимлик, ўсимлик хомашеси ва айрим турдаги қишлоқ хўжалиги маҳсулотлари аниқланган тақдирда аэропорт ичида ташкил этилган минилабораторияга олиб борилиб, махсус текширувдан ўтказилади.



Ўсимликнинг фитосанитар ҳужжатлари бўлмаган, Ўзбекистон Республикасига олиб кириш ёки унинг ҳудудидан олиб ўтиш (транзит) тақиқланган ўсимликлар карантини назоратидаги маҳсулотлар учун инспекторлар томонидан “Карантин остидаги маҳсулотни олиб кўйиш, қайтариб юбориш ва йўқ қилиш тартиби тўғрисидаги низо” талаблари асосида далолатнома тузилади. Унга кўра, мазкур маҳсулотлар олиб кўйилиши, багаж эгалари иштирокида зарарсизлантирилиши, йўқ қилиниши ёки экспортёр давлатга қайтариб юборилиши лозим.

— Тегишли қўнун талабларига кўра, фуқароларнинг юкида бўлган ҳар қандай ҳажмдаги ўсимлик ёки қишлоқ хўжалиги маҳсулоти экспортёр давлат томонидан берилган фитосанитар ва импорт карантин ружсатномасига эга бўлиши лозим, — дейди Тошкент халқаро аэропорти ўсимликлар карантини чегара маскани инспектори Баҳодир Хўжамуродов. — Инспекторларимиз Ўзбекистонга кириб келаётган ва юртимиздан чиқиб кетаётган қишлоқ хўжалиги маҳсулотларини карантин назоратидан ўтказиш. Кўро юк омиборига ҳам 4 та инспектор кўйилган бўлиб, улар импорт ва экспорт юкларга фитосанитар ҳамда карантин далолатномаси бланкаларини расмийлаштиради. Бу тадбирлар мамлакатимизга ўсимликлар билан кириб

келадиган турли зараркундаларни ўз вақтида аниқлаш, уларнинг тарқалиб кетиши, қишлоқ хўжалигимизга катта зарар етказишига йўл қўймасликда муҳим аҳамиятга эга.

Ҳозирги кунда республикамизда 9 та, МДҲ давлатларида 225 тадан ортиқ карантин объекти мавжуд бўлиб, айниқса, уларда етиштирилган маҳсулотларни жиддий назорат қилиш талаб этилади. Борди-ю текширувдаги маҳсулот зарарланган бўлса, “Ўздавқарантин” инспекцияси хузуридаги марказий карантин лабораториясига намуна олинган ҳолда юборилади. Лаборатория хулосаси асосида зарур чора-тадбирлар қўлланилади.

“Аэро-карго”да ҳам мамлакатимиз ҳудудига импорт бўлиб кириб келаётган карантин остидаги маҳсулотлар инспектор томонидан бирламчи карантин кўригидан ўтказилиб, далолатномалар расмийлаштирилади. Текширувдан сўнг барча санитария талабларига жавоб берадиган маҳсулотлар учун фитосанитар сертификати берилди.

Бир сўз билан айтганда, ушбу карантин постларида 4 та сменга бўлиниб, туну кун меҳнат қилаётган инспекторлар юртимиз қишлоқ хўжалигини четдан кириб келадиган ўсимлик зараркундалари, хавфли касаллик ва ҳашаротлардан ҳимоялашда муҳим ўрин тутмоқда.

Мораторий



Табиатни асраш — барчамизнинг бурчимиз

Минажатдин ҚУТЛИМУРАТОВ,
“Янги Ўзбекистон” мухбири

Афсуски, айрим кимсалар томонидан ўрмон ва тоғларимиздаги, шаҳар ҳамда қишлоқларимиз кўчалари, ҳибонлардаги турли мевали ва манзарали дарактларни кесиб кетиш ҳолатлари учраб турибди.

Бундай қўнунбузилишларнинг олдини олиш мақсадида 2019 йил 30 октябрда мамлакатимиз раҳбарининг “2030 йилгача бўлган даврда Ўзбекистон Республикасининг атроф-муҳитни муҳофаза қилиш концепциясини тасдиқлаш тўғрисида”ги фармони қабул қилинди. Фармонга биноан, утган йилнинг 1 ноябрдан жорий йилнинг 31 декабрга қадар давлат ўрмон фондига кирмайдиган қимматбаҳо дарактлар ва буталар навларининг кесилишига мораторий жорий этилган.

Ўтган даврда бу борада Қорақалпоғистон Республикаси Экология ва атроф-муҳитни муҳофаза қилиш кўмитаси томонидан кўплаб амалий ишлар олиб борилади. Хусусан, давлат ўрмон фондига кирмайдиган дарактлар ва буталар қимматбаҳо навларининг кесилишига эълон қилинган мораторий устидан назорат ўрнатилди.

Маълумотларга қараганда, Қорақалпоғистонда 2019 йилнинг ноябрь ойидан шу кунгача 463 та қўнунбузилиш содир этилган. Натижада 28 932 туп қимматли даракт нобуд бўлган. 27 894 туп даракт ёнғин оқибатида зарар қўрган. Шунингдек, 391 та қимматли даракт, 780,1 метр куб бута қолип ташланган. Умумий ҳисобда табиатга 6 041 045 минг сўм зиён етказилган. Қўмита томонидан қўнунбузарларга ўз вақтида чоралар қўрилиб, айбдорларга нисбатан жазима қўлланилди.

Мораторий даврида жисмоний ва юридик шахслар томонидан 2019 йил ноябрь-декабрь ойларида келиб тушган мурожаатларнинг 4 таси ижобий ҳал этилган. Қўмита хулоса асосида 15 туп даракт кесилган. Шунингдек, 2020 йил январь ойидан 1 ноябргача 21 та мурожаатга ижобий хулосалар берилган ва шу асосда 660 туп

даракт кесилган. Даракт ва буталарни кесишга ружсат сўралган 41 та мурожаат рад этилиб, 54 742 туп даракт нобуд бўлишининг олди олинган.

— Вазирлар Маҳкамасининг 2019 йил 17 январдаги “Давлат ўрмон фондига кирмайдиган ерларда дарактлар ва буталардан фойдаланишни тартибга солиш ва улардан фойдаланиш соҳасида ружсат бериш тартибини янада такомиллаштириш тўғрисида”ги қарориде давлат ўрмон фондига кирмайдиган дарактларни ҳатловдан ўтказиш ва уларни tree.uznatre.uz сайтга жойлаштириш белгиланган, — дейди Қорақалпоғистон Республикаси Экология ва атроф-муҳитни муҳофаза қилиш кўмитаси биохилмаҳиллик ва муҳофаза этиладиган табиий ҳудудлар масалалари бўлими бошлиғи Тилеуняз Торениязов. — Ҳозирги кунда Қорақалпоғистон Республикаси бўйича 1 000 914 туп даракт ҳатловдан ўтказилиб, тегишли сайтга жойлаштирилди.

Биз буну Нукус шаҳрида амалга оширилган ишлар мисолида ҳам кўришимиз мумкин. Шаҳарнинг Ислол Каримов номи кўчасидаги 2249 туп, Бердақ номи театр атрофидаги 559 туп, “Тошкент” меҳмонхонаси атрофида 258 туп, Ота йўли кўчасидаги 115 туп, Татибаев кўчаси — “Ҳамкор-банк” биноси — Гоголь кўчаси оралиғидаги 933 туп ҳамда Қорақалпоғистон кўчасидан Жўқорғи Кенгес биносигача бўлган йўлдаги 1308 туп даракт ҳатловга олинган.

Президентимиз фармони асосида мораторий жорий этилиши ўлкамиз табиатини, давлат ўрмон фондига кирмайдиган дарактлар ва буталарнинг қимматбаҳо навларини асраш йўлида хизмат қилаётгани билан аҳамиятлидир.



Мурзафар АБДУЛЛАЕВ оғзини суратлар.

Миллий анъаналар

ДОРБОЗЛИК — ЎЗБЕКНИНГ ҚОНИДА БОР

Муножат МҲМИНОВА,
“Янги Ўзбекистон” мухбири

1967 йил. Тошкент вилоятининг Бўка туманида илк марта ҳосил байрами нишонлангач. Бўкаликлар янги байрамни зўр қизиқиш билан қарши олиб, турли-туман чиқишларга махлиё бўлиб турибди. Байрам майдонига дор ҳам тикилган, дорбозлар томоша кўрсатиш билан банд. Халқимиз ажойибда. Аслида кўпчилиكنинг дорга тик қарашга юраги бетламайдию, аммо томоша тугагач, дорбозларга чин кўнгилдан атаганини беради, ўзи билан эргаштириб олган неварасига ишора қилиб, шу неварам сизга ўхшасин, ёки мана бу дорбоз набиранингдек бўлсин, бир дуо қилиб қўйинг, дейди.

дордан тушгунига қадар юрак ҳовучлаб туришини ҳам яширмади. Узига қолса-ку, шу ёшда ҳам дорга чиққудек. Уғиллари, қизлари қўймайди-да. Лекин тўй-томошаларда, давлат тадбирларида назоратчилик, ташиқлотчилик ишларини ўринлатиб келаётган отахон бизга камтарлик билан “ҳа, энди невараларни у ёққа тур, бу ёққа тур, ҳушёр бўл, дегани ҳам одам керак-ку”, деб қўя қолди.

Юнусали ота билан суҳбатлашар эканмиз, даставвал дорбозлик санъатини қандай эгаллагани билан қизиқдик. Унинг айтишича, отаси курашчи полвон ўтган экан. Ўзи эса Тошкентбояларга шогирд тушиб, пойтахтда 23 йил улар билан бир жамоада ишлаган. Циркнинг донги кетган ходимларига шогирд тушишини ҳам ўз тарихи бор. 1964 йилда Тошкент цирки Андижонга келади. Циркчилар бир ярим ой давом этган томошалардан сунг танлов ташкил қилдилар. Ўша танловда цирк усталарининг эътиборига тушиб қолган ўспирин Юнусалини ўзлари билан Тошкентга олиб кетади. У саҳна циркида ҳам дорбозлик, ҳам оғир атлетика бўйича иш олиб боради. 23 йиллик фаолиятдан сунг нафақага чиқиб, ўзи туғилиб ўсган Андижон замини, шoir Мухаммад Юсуф туғилган Марҳамат элига хизмат қилишни мақсад қилган дорбоз Олимжон Тошкентбоев, Камолжон Тошкентбоев, Эркин Тошкентбоевларни алоҳида тилга олар экан, ҳали ҳам улар билан борди-келдилари узилмагани, бир-биридан хабар олиб туришларини айтди. Ҳозирда ана шу

устозларининг фарзандлари, неваралари, шогирдлари орқали янги-янги трюклар, соҳадаги ўзгаришлардан бохабар бўлиб, тажриба алмашиб келяпти.

Шундай сай-ҳаракатлари, изланувчанлиги туфайли қаҳрамонимиз оилавий жамоаси билан тез орада вилоят ва, республикада танилди, Москвадаги кўрғазмада, кейинроқ жаҳон фольклор фестивалида ҳам катнашди. Ҳиндистонда ҳам икки ой давомида миллий дорбозлик санъатимизни намойиш қилиб келган. Изланиш, интилишдан толмаган дорбоз аста-секин ўзининг катта ҳовлисида шароит яратиб, 2 та дор тикиди, 500 кишилик кўча цирк ташкил қилди. 5 йил давомида мусобақаларда фаол катнашган, дорбозлигу циркко томошалари билан элга танилган оилавий дорбозлар гуруҳига “Халқ ансамбли” унвони берилди.

“Халқ ансамбли” унвонини олганимизда бизга “сизлар ўзбек миллий дор санъатини унутмаслигинлар, аксинча уни тарғибот қилишларинг учун берамиз бу унвонни”, дейишган. Демак, бу ишонччи оқлашимиз, доимо фаолиятимизни тўхтатмаслигимиз керак, деган хулосага келганмиз ўшанда”, дейди Юнусали ота.

Қишлоқнинг ўртасида истиқомат қиладиган дорбозлар хонадонига ҳар куни маҳалла, бутун қишлоқ болалари қизиқиб келаргач, буларга шароит қилмасам бўлмас экан дея, дордан тортиб, волейбол майдонларига


ларига кетмон билан ишлов бериб, этнографик музей яратиш учун ҳам ижодкор, кашфиётчи ва ўта ғайратли бўлиши керак одам. Бўлмаса, ҳеч қаерда эшитмаганимиз — дарахт устида дам оладиган жой қилиш отанинг хаёлига келармиди? Сайёҳларни ҳайратга солаётган жиҳат ҳам шу. Олма, шотут, беҳи дарахтларининг устидаги ўриндиқлар, типратикон шаклидаги, кампирлар учун мўлжалланган “амфитеатр”. 20 кишилик жой қиламан, деб шотут дарахтини атайин 30 йил, беҳини 18 йил ўзгача меҳр билан ўстирган Юнусали ота хонадони туманининг туристик манзилгоҳлари рўйхатидан жой олган. “Андижон самоси” дорбозлар гуруҳи ҳақида газетадан ўқиб, ўз кўзлари билан кўриш учун атайин ташриф буюрган польшалик меҳмон ҳам Юнусали отанинг экобоғи, дарахт устида шахмат ўйнайдиган жойлари, ариқдаги турли-туман бадиқлари, ярим гор шаклидаги сунъий “кузатув масканлари”ни кўриб, ёзилганидан ҳам гўзал эканига ишонч ҳосил қилди. Унинг ўзига хос таассуротлари, имзоси Юнусали Ғозиевнинг 1985 йилдан буён юритиб келаётган кундалик дафтаридида ноёб хотиралар, фикр-мулоҳазалар китобидаги дастхатлар қаторидан ўрин олди. Шуни ҳам айтиш жоизки, мазкур дафтарда Зикир Мухаммаджоновдан тортиб, чет эллик меҳмонларнинг дастхатлари ҳам сақланиб келяпти. Ҳар қандай фаолиятни исбот этишда хат, ҳужжат гапиришини жуда яхши тушунган дорбозимиз гу-



Ҳар қандай фаолиятни исбот этишда хат, ҳужжат гапиришини жуда яхши тушунган дорбозимиз гуруҳидаги 10 нафар аъзонинг тиббиёт дафтарчаси-ю, техника хавфсизлиги журнални кўз қорачиғидек асрайди. Зеро, ҳар томоша, ҳар сафар дорга чиқиш олдинда ходимлар техника хавфсизлиги қондалари билан танишганлиги, бу борадаги талабларга амал қилиши тўғрисида имзо қўйиб борадилар.

ган Юнусали Ғозиев билан хайрлашиш олдида ярим ҳазил, ярим чин маънода энди “Spark”ни “Malibu”га айлантириб, дедик. Президентимизнинг шу йил 2020 йил 26 майдаги “Маданият ва санъат соҳасининг жаҳият ҳаётидаги ўрни ва таъсирини янада ошириш чора-тадбирлари тўғрисида”ги Фармонида белгиланган қатор имтиёзлар оилавий гуруҳ фаолиятини янада жонлантиришда муҳим омили бўлишини айтганимизда, Юнусали ота: “Мен ҳам шуни эшитиб, хурсанд бўлиб ўтирибман, жуда муносиб фармон бўлди. Шу кунгача ростдан ҳам ижара, бошқа турдаги тўловларни тўлаб келардик. Энди бундай тўловлар, даромад солиғи ҳам олинмаслиги бизни гоё хурсанд қилди, тўғриси. Яратганга шукр, танжонимиз соғ, доим шундай тинчлик бўлса баҳоли қудрат, халқ хизмати-дэмиз” деди.

Дарҳақиқат, миллийлигимиз, ўзлигимизни авлоддан-авлодга етказиб, халқимизнинг ўзига хослигини бутун дунёга маълуму машҳур қилувчиларга ҳар қанча имтиёзлар берсак, ҳар қанча қўллаб-қувватласак ҳам. Дорбозлик ўзбекнинг қонида борлигини намоён этётган “Андижон самоси” каби аҳил жамоаларга эса янада юксак парвоз этишлари учун қанот бўлмас арзийди.



ташқил этган отахон уйда дорбозлар тайёрлашдек эзгу ишни бошлаб юборган. Айтмиш мумкинки, бугун Ғозиевлар хонадони томоша дорбозлар мактаби бўлиб қолди. Улар фақат санъати, ҳунари билан эмас, туристик салоҳияти билан ҳам туман, вилоят ҳокимларининг эътирофига сазовор бўла олди. “Вилоят ҳокими Шухратбек Абдурахмонов “Spark” автомобилини беҳижра бермаган бизга, болам”, дея тажрибали дорбоз ўзи яратган ажаботвор манзаралардан бизни ҳам баҳраманд этди. Қарийб бир гектар келадиган ҳовлидан ўтган ариқ чет-

руҳдаги 10 нафар аъзонинг тиббиёт дафтарчаси-ю, техника хавфсизлиги журнални кўз қорачиғидек асрайди. Зеро, ҳар томоша, ҳар сафар дорга чиқиш олдинда ходимлар техника хавфсизлиги қондалари билан танишганлиги, бу борадаги талабларга амал қилиши тўғрисида имзо қўйиб борадилар.

Юқорида айтганимиздек, невараларнинг назорати, ҳар бирининг жавобгарлиги гуруҳнинг ёши улғу раҳбари зиммасида. Билагиди кучи бор анча-мунча йигитлардан, шижоати жўшган ёшлардан кам бўлма-

Янги Ўзбекистон мактаб остонасидан бошланади

АНДИЖОН ТАЖРИБАСИНИНГ ПОРЛОҚ ИСТИҚБОЛИ

Муножат РАҲИМЖОН қизи,
“Янги Ўзбекистон” мухбири

Бугунги кунда қайси соҳага қарамайлик, унинг жадаллик билан ривож топаётганини кўришимиз мумкин. Айниқса, таълим соҳасига бўлаётган эътибор бугун тубдан ўзгарди. Мамлакатимиз раҳбарининг тизимга алоҳида эътибор қаратиб, “Янги Ўзбекистон мактаб остонасидан бошланади”, деган эътирофи халқ таълими тизими вакиллари руҳлантириш баробарида уларга юксак масъулият юклаши табиий. Ана шундай масъулиятни ҳис этган ҳолда, Андижон вилояти халқ таълими тизимида ҳам бир қатор янги гоғлар ва таълим методлари амалда қўлланилмоқда. Вилоятда янги ўқув йилининг “Сифатли таълим, юқори натижа ва ўқувчи тақдирига бефарқ бўлмалик йили” деб номлангани ҳам бежиз эмас.



фати ва битирувчилар билан ишлаш тизими янги босқичга олиб чиқилди. Жумладан, 2020-2021 ўқув йилида ОТМларга кирган битирувчилар сони 5 минг 943 нафар (15%) ни ташқил қилган бўлса, ушбу кўрсаткич ўтган йилда 2 минг 483 нафар (8%) эди. Бир йил муддатда кўрсаткичларнинг 7 фоиз юқорилгани ҳам Андижон тажрибаси самарасидир. Айниқса, Марҳамат туманидаги 3-давлат ихтисослаштирилган мактаб-интернатининг битирувчилари 100 фоиз олий таълим муассасасига кириш бахтига муассар бўлгани қувонарли ҳол.

— Ҳар бир ўқувчи тақдирига ўз фарзандимиз келажакини ҳал қилаётгандек ёндашиб, ота-оналар билан маслаҳатлашган ҳолда йўналиш танладиқ, — дейди мактаб директори Маҳфуза Уринова. — Янги ўқув йили бошидан оқ битирувчиларимизнинг билим савияларини бир неча мартаба синовдан ўтказиб, натижаларни таҳлил этдик ва уларни ўз потенциалларига қараб, ота-оналарининг розилиги асосида олий таълим муассасаларига йўналтирдик.

Шукри, юзимиз ёруғ бўлиб, қўллаган усулимиз ўз натижасини берди. Битирувчиларимиз 100 фоиз талаба бўлди. Бу борада, албатта, пандемия даври ноқулайликлари ҳисобга олиниб, 5 та таълим муассасасини танлаш имконини, ўта мураккаб тест саволларининг чиқариб ташлангани ҳам катта ёрдам берди.

Давлатимиз раҳбари Ўқитувчи ва мураббийлар кўни муносабати билан ўтказилган йилгилишда Қорақўл тажрибасини омалаштириш бўйича алоҳида тўхталиб, ҳар бир ҳудудда шундай мактаблар ташқил этиш вазифасини топширган эди. Мазкур топшириқ ижроси юзасидан республикада биринчилардан бўлиб Андижон вилоятининг энг намунали 35 та мактаби директорларидан иборат делегация Қорақўл лицейига ташриф буюрди. 4 кун давом этган мазкур ташриф чоғида делегация аъзолари ўзига хос тажриба алмашдилар. Айни пайтда вилоятнинг ҳар бир туманида Қорақўл тажрибасини йўлга қўйиш ишлари борасидаги илк ҳаракатлар бошлаб юборилди. Шунингдек, халқ таълими вазир Шерзод Шерматов яқинда Қашқадарё вилоятида бўлган чоғида бирорта битирувчиси олий таълим муассасасига кирмаган 20 та мактаб директорини лавозимидан озод этгани, бу борада юқори кўрсаткичга эришган мактабни компьютер синфи, фидойий директор ва ўқитувчиларни “Халқ таълими фидойиси” кўрак нишонлари билан тақдирлагани андижонлик педагогларнинг ҳам ўқувчи ёшлар тақдирини билан боғлиқ улкан масъулиятларини янада оширгани аниқ. Шуни ҳам айтиш жоизки, 2019 йилда бирорта ҳам битирувчилари ОТМга қабул қилинмаган мактаблар сони 141 та экани аниқланган бўлса, жорий йил бу кўрсаткич 17 тани ташқил этапти.

Битирувчиларнинг ОТМга кириш кўрсаткичлари таҳлил қилинганида эса ихтисослаштирилган мактаблар ўртасида Марҳамат туманидаги 3-ДИМИ (100



фоиз), Бўстон туманидаги 26-ДИМИ (94%), 48-ДИУМ (91%), умумтаълим мактаблари ўртасида Андижон шаҳридаги 13 (108 нафар), 1 (107 нафар), 24 (77 нафар), 2 (75 нафар), Жалақудуқ туманидаги 3-мактаблар (51 нафар) юқори натижа кўрсата олдилар.

Айни пайтда олий таълим муассасаларига кириш кўрсаткичлари бўйича етарли баал тўплай олмаган битирувчилар томонидан табақалаштирилган тўлов-контракт асосида ўқиш учун аризалар бериш давом этмоқда ҳамда бу борада ҳам ижобий ўзгаришлар бўлиши кутилмоқда.

2020 йил 21-22 май кунлари давлатимиз раҳбарининг Андижон вилоятига ташриф чоғида ўз келажакини касб-ҳунари ва тадбиркорлик соҳасидагина қўрмоқчи бўлган ёшларга имтиёзли кредитлар ажратиш ва бандлигини таъминлаш юзасидан берган кўрсатмаси ижроси бўйича вилоятнинг 4 минг 30 нафар битирувчисига 42,3 млрд. сўмлик имтиёзли кредит-

лар ажратилди. 15 минг 27 нафар битирувчи ўзини ўзи банд қилиш тартиби бўйича туман (шаҳар) солиқ органлари томонидан рўйхатга олиниб, уларга гувоҳнома берилди ва 13 минг 901 нафари ишга жойлаштирилди. Қолаверса, бугунги кунда Андижон вилоятида 50 дан ортик мактабнинг бўш ер майдонлари меҳнат дарсларини амалий шароитда ўтказиш ва ёшларни тадбиркорлик ва фермерлик соҳаларига қизиқтириш мақсадида балиқ ҳовузлига, қуён ва товуқ боқишга мослаштирилган тажриба майдонлари ташқил этилиб, синовдан ўтказилмоқда. Болаларни мактабга йўналтириш ва етуқ салоҳиятлик кадрлар селекциясини ташқил этиш мақсадида вилоят халқ таълими бошқармаси, вилоят мактабга таълим бошқармаси ва вилоятдаги барча олий таълим муассасалари ўртасида ўзаро меморандум имзоланиб, “боғчадан институтга” тамойили асосида амалий ишлар ташқил этилмоқда.

